

n° 794 B. 41

Intanv al Lochen

Er bed-man, nag aour nag arc'hant
Biskoaz en meuz staget va c'halon
Me n'on nemed eur c'hoz paizant
Kontant on em c'hondision. *(bis)*

Mez ma fried karantezuz
A golon hirio pebez anken
Gwelet ez 'on ken maleurus
C'huec'h kraouadur em beuz em lochen.

En amzer ma oa beo ma fried
E furnez a charme va c'halon
Ma bugale oc'h va c'haret
A roche d'in gonsolation.

Beb eil a boken d'ezhic
Eun tad evrusoc'h na oa biken
Dre o jestou tener bemdeiz
Me oa c'hoaz euruz 'barz em lochen.

Braz oa al laouenedigez
Pa oan er gear gant va ziad
Ha pa welan va merc'hik kez
A teu an dour deuz va daoulagad.

Seblantout a ra d'in bembdeiz
Gwelet e mam baour en e c'hichen
En despet d'ar c'hunz diremed
Me oa c'hoaz euruz 'barz em lochen.

Ha mar gellon hep kaout miser
Sevel ha diski va bugale
Ha neuze c'hoaz gant an amzer
Fortuni ma merc'hik martreze.

Neuze va faotr a vo deut braz
Kapabl da labouraat an dachen
Em c'hozni me a c'hello c'hoaz
Beva evuruz 'barz em lochen.

Evrussoc'h c'hoaz me 'n em gavo
Po gwelin o c'honid o bara
Ha neuze pa teui ar maro
Euz ar vuhez-man d'am delivra !

Ma miñnoud va intero
Gant va fried pe en e c'hichen
Ha va bugale a ranno
Va zam tiegez ha va lochen !

Em gwele douar pa vezin
O repoz em bered Rumengol
M'ho ped kaout truez ouzin
O Itron Varia Remed-oll.

Ha pa teui va bugaligou
War va be da ober o feden
C'hui va Doue, a bardono
Da ene paour intanv al lochen.